

jouapplous

'n Manjifieke planeet

Hulle is vars, uniek en bestem om die trefferparades te oorrumpel. Hulle doen hip-hop in Afrikaans. Ontmoet Planeet Manjiefiek!

deur Beatri Kotzé
beatri@jouwereld.co.za

Die Suid-Afrikaanse musiekbedryf beleef tans 'n enorme bloeitydperk, met hope *bands* wat oral in die land opduik, veral op die kampusse waar dié *bands* 'n onmiddellike gehoor en *fanbase* het. Ons gesels vandeemaand met een van hiërdie opwindende nuwe *bands*. Hulle is vars, uniek en bestem om die trefferparades te oorrumpel. Ontmoet Planeet Manjiefiek!

Die vierstuks is 'n interessante mengsel: Ruan Kruger (25), die tromspeler, speel ook die tromme vir Straatligkinders – daai cool ouens van Potchefstroom wat verlede jaar 'n opskudding in die bedryf veroorsaak het met hul donderrock en diep lireke. Katlego Maboe (23) kan harmoniseer soos min. Hy is verantwoordelik vir die melodieë van die Planete en sing ook vir die a cappella-groep Flip-a-Coin. Louis Janse van Rensburg (22) *rap* en sorg vir die opruiende *electronics*. Hy is bedags 'n musiekpromotor. Bordeaux Augustyn Potgieter (21), ook 'n *rapper*, verdien sy brood en botter andersins as improvisasie-komediant.

Ons het die vier manne 'n paar vrae gevra.

Waar kom die naam van die *band* vandaan?

Ek (Louis) het met die naam opgekom so teen die middel van laas jaar. Ek het 'n *huge* ding vir die buitenste ruimte en is mal oor die feit dat ons nie weet wat als daar bo aangaan nie.

Hoe het die *band* ontstaan?

Ruan en Bordeaux wou iets saam begin, maar Louis en Bordeaux ook. Toe *pull* ons almal bymekaar en kry vir Katlego ook. 'n Mens kan nie 'n *band* begin sonder 'n *amazing vocal artist* nie!
Ons het amptelik in September 2009 begin met ons *website*, foto's en so aan.

Waar is jul basis?

Potchefstroom Pop Town! Maar Louis en Bordeaux is oorspronklik van Mosselbaai.

Enige hoogtepunte sover?

Ons was al op die voorblad van *Die Volksblad JIP*, *Beeld JIP* en *Die Burger JIP*. Dan was ons ook al op *MK Live* en *My MK Celeb*. Ons het ook al 'n *song* weggegee in die Januarie 2010-uitgawe van *SL Magazine*

Watter soort musiek sal julle sê maak julle?

Ons musiek is meestal hip-hop en pop, maar ons almal luister steeds elkeen na ons eie musieksmaak wat ons inspireer. Louis en Ruan het nogal 'n *heavy* rockagtergrond terwyl Bordeaux en Katlego baie hip-hop luister, maar ons dink enigiemand wat in 'n *club* instap word geïnspireer om musiek te maak wat mense laat dans.

Is julle 'n beter *studio band* of eerder 'n *kick-ass live act*?

Ha-ha. Ons moet bieg: Ons het nog nooit lewendig opgetree nie, maar dit wat ons beplan is stout! So wees asseblief reg as ons naby jou kom optree!
Ons wil dié jaar hopelik 'n CD uitbring en baie video's. Asook baie FaceBook *updates*.

Is *image* belangrik om 'n impak op die hip-hop-mark te maak of gaan dit net oor die musiek?

Dis presies wat ons nie wil doen nie. Almal probeer altyd die *semi-naked* meisies, geld en karre *approach*, maar ek dink nie dis wat ouens soos Tupac en Run DMC bedoel het nie. Die musiek moet die praatwerk doen.

Hoekom het julle besluit om hip-hop te doen? En dit nogal in Afrikaans!

Dis maar iets wat ons almal al lank luister. Dit neem nogal die radio oor op die oomblik en dis moontlik die grootste mark wat internasionaal te sien is. Ons dans ook almal in *clubs* van ons studentedae af – nie professioneel nie *though* – enigiets wat ons kan laat dans, wil ons met mense deel. En Afrikaanse hip-hop is nog nie goed gedoen nie.

Ons *songs* gaan maar meestal daarvoor om 'n goeie tyd te hê. Bordeaux het 'n groot talent wat lirieke betref en ons dink hy is die een wat die *ladies* se harte gaan steel met sy woorde. Ons huidige liedjies gaan oor danspartytjies, om die verandering te wees . . . en meisies!

[Besoek Planeet Manjifiek se webwerf hier.](#)

Besoek Planeet Manjifiek op [Facebook](#) en [MySpace](#).

<http://www.jouwereld.co.za>
jouwêreld e-tydskrif - Maart 2010